

房縣志

壹

地理志
30
: 1-6



同治丙寅秋刊成

屏縣志

板藏賓興館

房縣志序



鄖郡古之康庸國也明成化朝都御史原公傑奏建爲
府以屬房縣南通川陝北抵鄖漢東連襄鄧西接金商
縱橫千里山林四塞其鞏固有如房室因以名縣春秋
傳楚成大心敗麇師于防渚卽其地也漢時始建房陵
縣歷五代而下建置沿革名各不同唐中宗廢爲盧陵
王遷居房州築城于此自漢以來數千百年其間忠臣
孝子時節名流代不乏人而志乘闕如誠攷古者之憾
也且凡志書之作首在辨區域徵因革知要隘察風土

房縣志

卷首序

一

俾官斯土者得以披覽蒐求而奏保障奏繭絲課最于
是乎在房縣志舊刻已多年失遺而地理人物之彰彰
耳目者載在郡志亦多未詳爲治者欲其合民情宜土
俗將何自而求之東魯楊君子揚以名進士來宰是邑
慨然任修輯之責延余友嘉定郝君小晉綜其成旣脫
稿索序于余維時狼突中原邊陲孔棘余掌鑰西鄙甫
及一年茲又奉檄漢東驪歌已唱羽書絡驛行李戒途
余本不文奚以塞責顧以義不可卻且以是書之輯有
裨於邑之政教者功匪淺鮮梓成而爲之序亦余所願

也爰綴數言以爲識

同治四年歲次乙丑嘉平月上浣湖北安襄鄖荆備兵
使者仁和王文韶書於襄陽官廨

余奉

命典鄖郡之明年揚子揚明府出宰房陵抵郡來謁接其言
恂恂樸訥無世俗叫囂僂巧之習心竊喜之閱半載以
纂輯房志彙成問序於余余雜古侯封百里春秋時大
國多至數圻楚至戰國兼併尤大北接雍豫南逾五嶺
東抵揚州之域西達梁州及西南夷等處皆爲楚地我
朝幅員式廓海隅山陬罔不式化而歸版籍自湖廣分南
北而房止爲鄂省一隅界與巴蜀秦隴毗連萬山岷釐
林深菁密幽閒遠負曼衍幾及千里昔時與二竹興保

房縣志

卷首

序

統謂之巴山老林荆襄流民匪徒往往竄伏於此爲負
嶠之區官斯土者撫字有所未浹而怨咨旋生威嚴有
所未懾而奸宄易起洞燭有所未周而弊竇叢滋自非
熟悉風土人情寬猛相濟烏能勝其任而愉快乎了揚
以山左名進士來治邊隅以儒術飾吏治出其平日所
學發抒經濟行見百廢具舉懋登上理寢寢乎與漢循
吏同風是書之成政治之得失於是乎見豈惟徵文考
獻以備一方掌故云爾哉昔朱子爲郡縣所至必求其
圖經翫之以習知其方土之故余鄉明季王元美徐叔

明兩先達先後以都御史撫治鄖政績卓炳史冊元美
在鄖闢清美堂購書數百卷貯其中以誘後進有四部
稿史料諸書行世叔明著述尤夥鄖志創於明正德初
甚闕畧公延襄藩祿曹周紹稷纂脩頡爲改觀湖廣通
志亦經手訂見史料有文集百餘卷見錢牧齋詩選小
序梓鄉父老猶有能言其軼者余禱昧無能謬膺領郡
適值鄉先達舊治之地竊欲追維前軌景企芳徽願與
僚屬共勉之可乎特因房志之成附一言於簡端子揚
其躋余言否

房縣志

卷首

序

一一

同治四年冬湖北鄖陽府知府前翰林院庶吉士刑部
雲南司郎中嘉允陳壽圖撰

乙丑春初紱麟秉鐸來房入其境萬山岷螯林壑邃
知爲幽遠險僻之區昔堯子丹朱避舜房陵舜封爲
子國厥後歷秦漢唐以罪廢者皆遷徙於此顧其地爲
周尹吉甫食采邑又有漢黃文疆古蹟士人嘖嘖稱爲
忠孝里誠哉地以人傳也麟課士之暇竊嘗考其山川
人物風土流風餘韻猶有存者時楊子揚明府涖茲土
奉檄催脩邑志明府引爲已任延江左郁君小晉秉筆
屬藁邑庠生劉元一相與參互考訂網羅散佚越十
月而書成付刊都轉王公夔石太守陳公達甫弁言簡

房縣志

卷首

序

端麟亦何容贅一辭哉第念麟與陳喜臣廣文俱有監
督之責例得挂名其間不能不一言以誌幸也按志
例合三十年一脩房志明板燬於兵燹我

朝乾隆五十九年汪魁儒明經增輯沈志逮今歷七十餘
載雖山川不改城郭依然而關隘津梁睥睨基址因革
變遷又其間天時人事遞嬗廢興年遠人湮鮮所記載
舊抄未經刊定魯魚帝虎舛誤良多是房志之纂輯有
難於他邑者今以百年來未竟之事得樂觀其成所願
邑人士勉爲忠孝爲志乘光用彰

聖天子同軌同文之化則是書之成固爲明府慶抑亦邑人士之幸也是爲序

同治五年歲次丙寅仲夏月房縣儒學教諭劉紱麟撰

原序

志者史之流也徵成敗存興替可以識因革損益之宜
標阨塞陳險固可以識控馭節制之方紀賢能著循良
可以識黜陟作人之典博考庶類綜異文章可以識培
養蕃殖參贊位育之功用以恢

皇圖而展

帝緯志固國之大典也豈僅於山川之蒼莽人物之班次風
土之沿革草木蟲魚之蓄產博搜廣採拾奇掇異侈談
富饒矜詫雄鉅以供藝苑之笙簧文人之粉黛也哉哉

房縣志

卷首 傳序

寰海之內邑爲載郡爲紀更復有風土之記方域之考
各卽其身標目涉之事筆而存之編羅舊聞以徵信實
時要必囊括而無挂漏典確而無偏舛乃爲良志是志
之所繫甚重而房之志則成之有甚難者蓋房之由古
尚矣不溯其源雖志猶弗志也上溯而述考之則世代
綿邈疆域遼廓典籍散失而無可考驗故老陵夷而莫
或覩記蒐討散見又非日月可以課成者

國家擴一統之規欲求其長駕遠馭之業兼么麼新蕩
事者必善其遷定安戢之謨余今旣承之是邦亦當

以識其風土人情得其舉政之要蓋是志之重且亟也然
非才慧之所能創強博之所能備一二載籍之所能
考參稽徒購遺書於滄桑之後罔獲全璧斷簡殘編弗
可資爲夜光照乘之寶乃進諸生而語之曰履巨屨者
識地形不出戶者知天下余政牘蝟冗不暇操鉛槧手
自哀輯二三子生長於斯宵不稔山川風土惟楚有材
卽凋落之餘豈遂無具瑰璋之識負宏通之學若巨臂
出吳隼集陳廷黃熊入寢亥有二首記憶於平時取提
於猝辨嘻笑聲稱增光一邑者乎盍爲我參考舊聞附

房縣志

卷首 傳序

一

益新實共舉是集不惟有功於房且以徵二三子之業
第督檄嚴促其計日以就以報上命諸生唯唯宵晝從
事故不及綜覽咨諏草木再易不無踳駁牴牾離合異
同之病如求其無挂漏而囊括無僞舛而典確可以恢
皇圖而展

帝綍則以俟夫繼輯者

康熙五年丙午仲春朔知房縣事古臨傅六吉

房志原序

按房縣志序康熙五年前任臨川傅君所修也中更亂今底定纔三十餘年兵燹之餘遺編猶存尙有典型其事紀一篇倣古編年之法自唐虞三代以迄

國朝三千餘年沿革盛衰災祥得失之故靡不詮次瞭然如指諸掌有功於房不細而志後三十年當時

王師用武虎臣宣力出奇制勝與夫鮮民還定之初吏蹟勞來未登邑乘其何以導揚鴻烈垂諸無窮又况風俗土宜經營措置國計之盈縮民生之休戚時異勢殊所

房縣志

卷首

沈序

三

宜參稽而詳核之者誰秉邑鈞而任其隕越乎哉顧余不敏備員巖邑簿書期會歲月載征每以俗吏自愧今且計日俟代不暇及房志矣邑紳士謬謂余可教及余未去相與亟修縣志爲請余嘉其意而難其事疑未可旦夕辦也未閱月書成而來請序讀其書則三十年間國家文德武功會計民生損益異同亦既詮次瞭然足以紹前聞貽後觀二三子之力信勤而敏矣余又奚以贅焉雖然余令房者九載稔知其風土之概因地制宜雖將去而寸晷反覆諠有不容已者維房治僻在萬山舟

車不通商賈罕至民祇力田自給耕則得食不耕則不得食故府吏胥徒請得在官一日暇不啻得十年之田傳云一夫不耕一家有受其飢者獨此地爲甚長吏足民無竒策惟勿奪其農時而已故常減其征徭公旬之役非始冰弗舉焉訴訟者詞朝入不待暮而出每爲民惜寸陰出於誠然不自知其勞也維正之供小民負米數百里外易金而輸東作方興催科孔亟民不暇遠出則苦敲扑而舉數倍之債以償故每當定限及半之期特緩其追呼俾得盡力於南畝而士民亦能交相體愛

歲嘗及額山田多苦旱民引溪流而築之渠藉以灌溉春陽既浮歲歲增治一隅之民各修其一渠通力合作或稍頑惰一不即工衆遂束手渠廢而苗稿矣渠旣成分其田爲上中下畝受水晝夜有程稍不平相挺擊者踵而至甚至決渠以快小忿此築渠均水之法不可不留意而房邑軍民雜處往時軍戶遠輸於襄陽衛往返一千四百里跋涉維艱余上其事於前少參張公今太守衛公達之前都御史楊公使衛設櫃於縣衛胥司其入籍軍戶得就縣自輸歲五月十月彙給衛胥兩輸襄

衛行之數年民盡稱便使縣弗憚煩時加綜理可以永
久無弊嗟夫余且行矣還念父老子弟豈敢以自詡爲
嫌因二三子請序房志附論及之庶幾舊政必告之義
云爾若夫教化興行吏治循卓舉二三子之所釐定付之
剞劂勒爲成書則以俟夫君子

康熙三十四年夏知房縣事沈用將題

舊志汪序

房陵古地忠孝名區參柳分野係梁州之故域楚秦交錯實麋子之遺封峻險窅深房以爲名魏興光遷代各有號城依盧陵舊址池引沮澤支流形勝雄偉據西南之要塞山川秀拔挺東北之奇觀若印山若鳳岑飛翔軒翥嶽嶽秀擁鬢宮若粉水若澍澥蕩漾淵涵曲曲珠穿銀線景山連定阜而居荆之首沮水配江漢而爲楚之望地因人顯僉云堯子封國蹟以異傳成曰帝在房州蕭蕭杉檜周太師之采邑鬱鬱松篁漢尚書之故里

房縣志

卷首

汪序

六

朱園碩果縹李夙聞房山錦雞琳瑯有賦物產頗侈食貨恒減風結幽岐之舊男也耕女也織亦勤亦儉俗乃成康之遺蠶者田秀者學且稼且讀舟楫不通引流灌漑而給衣食供賦以外琴瑟擊鼓而祝豐年闢堡星羅鋪舍攸置古蹟歷歷半埋沒於荒煙蔓草坵墓鬱鬱亦間傳有帝寢王陵梵宇幽刹惟見霧封雲鎖放置流寓無非玉葉金枝其名官也召父杜母嗣徽先後其鄉賢也三錫雙桂炳耀一時貞烈繼出振闡闡之正氣仙釋服鍊萃川嶽之精英嗟嗟兵燹之後民其流離遠定之

餘事鮮由舊嗚乎盛衰天也否泰人也由盛之衰物理
之循環不爽回否爲泰有位之幹旋非輕物極則返消
息弗差自茲以往沐膏雨而被和風飭五品而訓親睦
禮樂交輝人文蔚起宣布

聖化以嘉惠巖疆者微良有司其誰與歸

乾隆五十三年戊申春邑貢生汪魁儒識

舊志汪序

房志作於明嘉靖三十四年主簿嚴堯黻邑士金鄉兵燹之後板皆銷燬

國朝康熙五年邑令傅公六吉邑士吳良玉重加輯纂二十
年邑侯雷公化龍撮鈔府志以應上憲之索是時傳志
已無存矣三十四年又脩於邑侯沈公用將邑士李發
榮許嘉言等繼是無脩之者夫一邑之中百年之久天
時典章人物之興廢損益何限皆湮沒不傳且併其舊
志亦失之豈非一大缺陷事哉乾隆甲午夏邑侯張公

房縣志

卷首

序

八

敵以一編授魁命訂其舛謬補其殘缺蓋沈志抄本也
共四卷分類三十七前有序後有論亦可爲倍洽矣顧
未免失於冗雜錄者又荒略舛錯不可讀且無別本校
對事亦遂寢今又十餘年矣魁抱病之暇始取而畧加
訂補焉旣乏茂先之書系廣備參稽又無虞史之輜車
遍行搜訪舛謬殘缺仍所不免張公去而負其所命爾
若夫綜百年之遺事成一邑之全書而毫無缺陷焉則
以俟夫 大人先生踵嚴傳雷沈諸公而重脩之者
乾隆五十三年歲次戊申春二月邑士和園汪魁儒序

原志序

聖天子稽古右文勅鴻文太史凡邦國所掌職方所載山川形勢民物風尚殊博採旁搜登之

天府以垂

昭代盛典所以大一統也予奉

簡命涖房者四載萑苻初靖而哀鴻未集寥寥子遺率皆鳩形鵠面雖勞來安插而土廣人稀城廓無有完壁津關委於瓦礫烏有所謂解公署學校坊村者乎茲逢

憲檄徵取房志夫房自兵燹以來文獻無徵故老凋謝

房縣志

卷首序

九

欲存千百於十一憂憂乎難之然房雖彈丸亦我國家封建之幅員也僅存府志之鈔本彙爲一書呈之當以仰副

聖天子大一統之盛典云爾

大清乾隆五十九年崇慶舉人知房縣事敏齋仇必達撰